

ԱՐՁԱՆԱԳՐՈՒԹՅՈՒՆ ԹԻՎ 18

**Վանաձորի տեխնոլոգիական կենտրոնում ՀՀ Լոռու մարզպետի կողմից համայնքների
ղեկավարների հետ անցկացված խորհրդակցության**

05.08.2019թ.

ք.Վանաձոր

Մասնակցում էին

- Գ.Մարկոսյանը - մարզպետի տեղակալ
Վ.Խաչատրյան - մարզպետարանի գլխավոր քարտուղարի տեղակալ
Ա.Բեջանյանը, Ա.Մխիթարյանը, Ա.Մատինյանը, Ա.Ջանազյանը, Դ.Մանուչարյանը, Ա.Շահվերդյանը,
Ա.Օհանյանը, Լ.Բերդյանը, Ա.Սահակյանը, Ա.Աղլոյանը, Ա.Գասպարյանը, Ս.Ասրյանը, Հ.Մկրտչյանը -
ստորաբաժանումների ղեկավարներ և այլ պաշտոնատար անձինք
Լ.Ասլանյանը -մարզպետի խորհրդական

Հրավիրված էին

- ՀՀ Լոռու մարզի «Մենդամթերքի անվտանգության տեսչության» մարմնի ղեկավար- Գ.Ավետիսյանը,
«Հայանտառ» ՊՈԱԿ – ի տնօրեն Ա.Կարապետյանը
ՀՀ Ոստիկանության Լոռու մարզային վարչության պետ -Գ.Հակոբյանը
ՀՀ Ոստիկանության Լոռու մարզային վարչության պետի տեղակալ -Ա.Մաթևոսյանը
ՀՀ Լոռու մարզի համայնքների ղեկավարները և այլ պաշտոնական անձինք:

Օր ա կ ա ր գ ու մ՝

1. ՀՀ անտառամերձ բնակավայրերում բնակվող ընտանիքներին ոչ արտադրական (ոչ արդյունագործական) նպատակներով թափուկ վառելափայտի տրամադրման մասին
(Զեկ.- «Հայանտառ» ՊՈԱԿ – ի տնօրեն – Ա.Կարապետյան)
2. Մարզի բնակչության սանիտարահամաճարակային անվտանգության ապահովման վիճակի (շուկաներում առևտրի հետ կապված) և այդ ուղղությամբ մարզի տեղական ինքնակառավարման մարմինների կողմից ձեռնարկվելիք միջոցառումների մասին
(Զեկ.-մարզպետարանի աշխատակազմի առողջապահության և սոցիալական ապահովության վարչության պետի ժամանակավոր պաշտոնակատար – Ա.Մխիթարյան)
3. Համայնքների կողմից ներկայացված սուբվենցիոն ծրագրերի ընթացքի մասին.
(Զեկ.-մարզպետարանի զարգացման ծրագրերի, զբոսաշրջության և վերլուծության բաժնի պետ – Հ.Մկրտչյան)
4. Մարզի համայնքների բյուջեների 7 ամիսների սեփական եկամուտների կատարման մասին.
(Զեկ.-մարզպետարանի ֆինանսական և սոցիալ-տնտեսական զարգացման վարչության հաշվապահական հաշվառման բաժնի պետ - Ա. Բեջանյան)
5. Լոռու մարզի տեղական ինքնակառավարման մարմինների կողմից Հայաստանի Հանրապետության հողային օրենսդրության, մասնավորապես ՀՀ հողային օրենսգրքի և «Պետական և համայնքային սեփականություն հանդիսացող հողամասերի օտարման, կառուցապատման իրավունքի և օգտագործման տրամադրման կարգը հաստատելու մասին» ՀՀ կառավարության 12.04.2001թ. թիվ 286 որոշման պահանջների կատարման մասին.
(Զեկ.- հողաշինության և հողօգտագործման /մարզային պետական հողային տեսչության/ բաժնի պետ - Ա. Օհանյան)
6. Մարզի ՀՈԱԿ-ներում աշխատող կենսաթոշակային տարիքի հասած աշխատակիցների (այդ թվում տնօրենների) աշխատանքային պայմանագրերի լուծման գործընթացի մասին.

(Ձեկ.- մարզպետարանի կրթության, մշակույթի և սպորտի վարչության պետի տեղակալ - Ա.Մատինյան)

7. Ծնող և Ախթալա համայնքներից Նեղոցի հիմնական դպրոցի նախակրթարան սաների տեղափոխումը կազմակերպելու մասին.

(Ձեկ.- մարզպետարանի կրթության, մշակույթի և սպորտի վարչության պետի տեղակալ - Ա.Մատինյան)

8. Մարզի համայնքներում իրականացվող շինարարական աշխատանքների նախագծա- նախահաշվային փաստաթղթերի համաձայնեցման կարգի մասին.

(Ձեկ.- մարզպետարանի քաղաքաշինության վարչության պետ - Ա.Ջանազյան)

9. Ունտանիքների անապահովության համակարգում հաշվառված նպաստառու ընտանիքների շրջանում մարզպետարանի կողմից իրականացված ուսումնասիրությունների մասին

(Ձեկ.-մարզպետարանի աշխատակազմի առողջապահության և սոցիալական ապահովության վարչության սոցիալական ապահովության բաժնի պետ- Վ. Ջաղինյան)

10. ԼՂՀ Մարտակերտի շրջանին մարզի համայնքների կողմից ցուցաբերվելիք օգնության մասին

Հ ա ն ձ ն ա ր վ ե ց՝

«Հ Լոռու մարզպետարանի աշխատակազմի առողջապահության և սոցիալական ապահովության վարչության պետի պաշտոնակատար Ա.Մխիթարյանին՝
«Հ Լոռու մարզի խոշորացված համայնքների ղեկավարների հետ կատարել շրջայցեր մարզի բնակչության սանիտարահամաճարակային անվտանգության վիճակի (շուկաներում առևտրի հետ կապված) ապահովման նպատակով և ձեռնարկել միջոցառումներ շրջայցերի ընթացքում հայտնաբերված խախտումները վերացնելու ուղղությամբ:

Ա ն ա ջ ա ր կ վ ե ց՝

«Հ Լոռու մարզի համայնքների ղեկավարներին՝

1. ա/ ՀՀ անտառամերձ բնակավայրերում ոչ արտադրական (ոչ արդյունագործական) նպատակներով թափուկ վառելափայտը կարիքավոր ընտանիքներին հատկացնելու նպատակով տրամադրել ոչ ավելի քան 8 մ խորանարդի կտրոն:
- բ/ Ապօրինի անտառահատումների կանխման նպատակով անհրաժեշտ համագործակցություն ցուցաբերել համապատասխան մարմինների հետ:
2. Անհրաժեշտ միջոցներ ձեռնարկել և՛ հսկողություն սահմանել որպեսզի համայնքներում իրականացվելիք ծրագրերը պարունակեն ճշտված ցուցանիշներ:
3. Խիստ ռիզադրություն դարձնել և հետևողական լինել մարզի համայնքների բյուջեների կատարմանը և սեփական եկամուտների հավաքագրմանը:
4. ա/ Վարել «Հողերի օգտագործման և պահպանման նկատմամբ վերահսկողության ստուգումների հաշվառման մատյան»՝ օրենքով սահմանված կարգով:
բ/ Բացառել օտարվող, օգտագործման տրվող հողամասերի տրամադրելը գործառնական նշանակության խախտումներով, խախտումների նկատմամբ կիրառել վարչական տույժեր:
5. Հիմք ընդունելով «Պետական ոչ առևտրային կազմակերպությունների մասին» ՀՀ օրենքի 16-րդ հոդվածի 3-րդ կետի բ ենթակետը, դադարեցնել մարզի ՀՈԱԿ-ներում աշխատող կենսաթոշակային տարիքի հասած աշխատակիցների / տնօրենների/ աշխատանքային գործունեությունը:
6. Բացառել կեղծ և անօրինական տեղեկանքների տրամադրելը ընտանիքների անապահովության համակարգում հաշվառված նպաստառու ընտանիքներին:

X 
ԳԱՅԱՆ ՄԱՐԿՈՅԱՆ

ԼՈՌՈՒ ՄԱՐԶՊԵՏ

Ա.ՂՈՒԿԱՍՅԱՆ